



Politička organizacija građana „Naša stranka“

Lokalni odbor Kakanj

Adresa: Ulica Alije Izetbegovića 165

Telefon: 032 460 269;

E-mail: kakanj@nasastranka.ba

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Printijerom: 06-10-2020			
Org. broj	Sl. oznaka	Broj	Prilog

Broj: KA-20/20
Kakanj, 6.10.2020. godine

Bosna i Hercegovina
Federacija Bosne i Hercegovine
Zeničko-dobojski kanton
Općina Kakanj
n/r sekretara Općinskog vijeća

PREDMET: INICIJATIVA ZA USPOSTAVU MREŽE MONITORINGA ZRAKA NABAVKOM NOVIH MJERNIH STANICA

Poštovani,

monitoring kvalitete zraka u Kaknju je nedovoljan, a podaci gotovo nedostupni javnosti. Mjerenja moraju biti kontinuirana i na više lokacija, a vrše se samo na jednoj mjernoj stanici u Doboju, dok su prije nekoliko godina u Kaknju bile dostupne još dvije mjerne stanice ("Dom kulture" i "Transport d.o.o").

Stoga, na osnovu prava političkih subjekata na podnošenje prijedloga i inicijativa Općinskom vijeću, član 172. Poslovnika o radu Općinskog vijeća Kakanj, Lokalni odbor Naše stranke Kakanj upućuje i predlaže Općinskom vijeću da razmotri i usvoji:

- **Inicijativu za uspostavu mreže monitoringa zraka nabavkom novih mjernih stanica**

Obrazloženje:

Problem zagađenja zraka u Kaknju je jako kompleksan i kako ne postoji jedan uzročnik, tako ne postoji ni samo jedno rješenje. Naši sugrađani i sugrađanke, nažalost, nisu dovoljno educirani o posljedicama prekomjernog zagađenja zraka na zdravlje pa pritisak na donosioce odluka i zagađivače gotovo da ne postoji. Neupućenost građana i građanki, šutnja i ignorisanje nadležnih ovog problema, doveli su nas do toga da se iz godine u godinu susrećemo sa nesagledivim negativnim posljedicama na zdravlje svih nas.

U cijelom procesu, preskočili smo prvi i osnovni korak, a to je da budemo informisani i svjesni brojki koje nas svakodnevno okružuju. Monitoring kvalitete zraka u Kaknju je nedovoljan, posebno od prošle godine od kada mjerna stanica ne radi u punom kapacitetu pa od tada vrijednosti koje bi trebala da bilježi nisu u sistemu Hidrometereološkog zavoda F BiH.

Za sada, podaci o kvalitetu zraka u Kaknju se jedino mogu provjeriti na stranici Općine. Nažalost, sistem je jako komplikovan i nečitljiv za nekoga ko se ne bavi kvalitetom zraka i

ekologijom. Zato od nadležnih institucija u Kaknju tražimo da podatke učini lakše dostupnim za sve građanke i građane. Osim toga, želimo redovno ažurirane dnevne i satne vrijednosti kvaliteta zraka, i to u realnom i integrisanom vremenu. Ovakav pristup bi prvenstveno zaštitio rizične grupe građanki i građana, ali i omogućio analizu na višegodišnjem nivou i kontinuirana javna oglašavanja u koja bi morali biti uključeni i zdravstveni radnici sa ocjenom utjecaja zraka na zdravlje svih nas.

Dakle, krajnje je vrijeme da se tačnim i redovnim izvještavanjem o stanju kvaliteta zraka podigne svijest Kakanjaca i Kakanjki o problemu zagađenja zraka kako bi se konačno započelo sa sistemskim rješavanjem ovog kompleksnog i višedecenijskog problema.

U nadi da će Općinsko vijeće Kakanj prepoznati dobru namjeru ove inicijative te zaštitu interesa građana i građanki kao primarnu u našem prijedlogu, očekujemo odgovor na upućenu inicijativu.

S poštovanjem,

DOSTAVLJENO:

1x Naslovu
1x n/r načelniku Općine
1x a/a

Lokalni odbor Naše stranke Kakanj
Predsjednik LO NS Kakanj

Dževdet Huskić

